

Die Uitverkiesing (2022)

001 Die Uitverkiesing

Voor die grondlegging van die wêreld (15.05.2022)

Hierdie tema is nie baie gewild nie.

Die gewilde Afrikaanse gesegde: “Die waarheid maak seer”, is in hierdie geval “Die waarheid maak dood”.

Hoekom het hulle Yahshua doodgemaak? Omdat Hy leuens gespreek het? Nee, omdat Hy die waarheid gespreek het.

Die wêreld hoor die waarheid, maar verkies die leuen. As jy aanhou om die waarheid te praat na jy die opdrag gekry het om stil te bly, en jy hou aan om die waarheid te verkondig, maak hulle jou dood. Dit is wat met Yahshua gebeur het.

Nou het ons ‘n evangelie in die wêreld wat hulle die “Christelike evangelie” noem. Nou die vraag: Word mense doodgemaak vir dit? Nee.... En dit laat mens wonder.

As ons die waarheid hoor, maar dit is vir ons vreemd, dan verwerp ons dit gewoonlik.

Daar is egter ‘n manier om te kyk of dit die waarheid is en dit is om dit te meet aan die Woord van GOD, want daar is baie leuens wat jou kwaadmaak en dan is dit nie reg nie, want dit kan nie aan die Skrif gemeet word nie.

Die uitverkiesing is seker die moeilikste onderwerp vir die teologie. Teoloë wil nie oor die onderwerp praat nie, want hulle verstaan dit nie, of as hulle by die kruks van die saak uitgekom het, sien hulle dit is die onaanvaarbaarste waarheid in hierdie wêreld.

Efésiërs 1:3 Geseënd is die God en Vader van onse Here Jesus Christus wat ons geseën het met alle geestelike seënige in die hemele in Christus, 4 soos Hy (*VADER Yahweh*) ons in Hom (*Yahshua*) uitverkies het voor die grondlegging van die wêreld om heilig en sonder gebrek voor Hom in liefde te wees, 5 deurdát Hy ons voorbeskik het om ons as sy kinders vir Homself aan te neem deur Jesus Christus, na die welbehae van sy wil, 6 tot lof van die heerlikheid van sy genade waarmee Hy ons begenadig het in die Geliefde.

Romeine 8:28 En ons weet dat vir hulle wat God liefhet, alles ten goede meewerk, vir hulle wat na sy voorneme geroep is. 29 Want die wat Hy vantevore geken het, dié het Hy ook vantevore verordineer om gelykvormig te wees aan die beeld van sy Seun, sodat Hy die eersgeborene kan wees onder baie broeders; 30 en die wat Hy vantevore verordineer het,

dié het Hy ook geroep; en die wat Hy geroep het, dié het Hy ook geregverdig; en die wat Hy geregverdig het, dié het Hy ook verheerlik.

Romeine 9:11 Want toe die kinders nog nie gebore was en nog geen goed of kwaad gedoen het nie dat die voorneme van God volgens die verkiesing kon bly staan, nie uit die werke nie, maar uit Hom wat roep 12 is vir haar gesê: Die oudste sal die jongste dien. 13 Soos geskrywe is: Jakob het Ek liefgehad en Esau het Ek gehaat.

1 Petrus 1:1 Petrus, ‘n apostel van Jesus Christus, aan die vreemdelinge van die verstrooiing in Pontus, Galásië, Kappadocië, Asië en Bithínië, 2 uitverkore volgens die voorkennis van God die Vader, in die heiligmaking van die Gees, tot gehoorsaamheid en besprenkeling met die bloed van Jesus Christus: Mag genade en vrede vir julle vermenigvuldig word!

1 Sameul 16:10 So het Isai dan sy sewe seuns voor Samuel laat verbygaan, maar Samuel het aan Isai gesê: Die HERE het hulle nie uitgekies nie. 11 Verder het Samuel aan Isai gevra: Is dit al die seuns? En hy sê: Die kleinste is nog oor, en kyk, hy pas skape op. Toe sê Samuel aan Isai: Stuur en laat hom haal, want ons mag nie om die tafel gaan sit voordat hy hier kom nie.

***Romeine 9:14** Wat sal ons dan sê? Is daar miskien onreg by God? Nee, stellig nie! 15 Want aan Moses sê Hy: Ek sal barmhartig wees oor wie Ek barmhartig wil wees en My ontferm oor wie Ek My wil ontferm. 16 So hang dit dan nie af van die een wat wil of van die een wat loop nie, maar van God wat barmhartig is.*

Romeine 9:13 Soos geskrywe is: Jakob het Ek liefgehad en Esau het Ek gehaat.

Johannes 3:16 Want so lief het God die wêreld gehad, dat Hy sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê.

Johannes 13:1 En voor die fees van die pasga het Jesus, omdat Hy wis dat sy uur gekom het dat Hy uit hierdie wêreld sou oorgaan na die Vader, en omdat Hy sy eie mense (*Jakob*) in die wêreld liefgehad het, hulle liefgehad tot die einde toe.

***Matthéüs 13:44** Verder is die koninkryk van die hemele soos ‘n skat wat verborge is in die saailand, wat ‘n man kry en wegsteek; en uit blydschap daaroor gaan hy en verkoop alles wat hy het, en koop daardie saailand.*

Deuteronomium 4:37 En omdat Hy (*Yahweh*) jou vaders liefgehad en hulle nageslag na hulle uitverkies het, en Hy self jou deur sy grote krag uit Egipte uitgelei het, 38 om nasies groter en magtiger as jy voor jou uit te verdrywe en jou in te bring om hulle land aan jou as erfenis te gee soos dit vandag is— 39 daarom moet jy vandag weet en ter harte neem dat die HERE God is, bo in die hemel en onder op die aarde; daar is geen ander nie.

Deuteronomium 7:6 Want jy is ‘n volk heilig aan die HERE jou God; jou het die HERE jou God uitverkies om uit al die volke wat op die aarde is, sy eiendomsvolk te wees. 7 Die HERE het ‘n welgevalle aan julle gehad en julle uitverkies, nie omdat julle meer was as al die ander volke nie, want julle was die geringste van al die volke. 8 Maar omdat die HERE julle

liefgehad en die eed gehou het wat Hy vir julle vaders gesweer het, het die HERE julle met 'n sterke hand uitgelei en jou uit die slawehuis, uit die hand van Farao, die koning van Egipte, verlos.

Deuteronómium 10:14 Kyk, aan die HERE jou God behoort die hemel, ook die hoogste hemel, die aarde en alles wat daarin is. 15 Maar net aan jou vaders (*Abraham, Isak en Jakob*) het die HERE 'n welgevalle gehad om hulle lief te hê, en Hy het julle, hulle nageslag ná hulle, uit al die volke uitverkies, soos dit vandag is.

Jeremia 30:10 Jy dan, wees nie bevrees nie, o my kneg Jakob, spreek die HERE; en wees nie verskrik nie, o Israel! Want kyk, Ek verlos jou uit ver plekke en jou nageslag uit die land van hulle gevangenskap; en Jakob sal terugkom en stil en gerus wees sonder dat iemand hom skrikmaak. 11 Want Ek is met jou, spreek die HERE, om jou te verlos. Want sal 'n einde maak aan al die nasies waarheen Ek jou verstrooi het; maar aan jou sal Ek geen einde maak nie, maar Ek sal jou tugtig met mate, al sal Ek jou sekerlik nie ongestraf laat bly nie.

Jesaja 43:1 Maar nou, so sê die HERE, jou Skepper, o Jakob, en jou Formeerder, o Israel: Wees nie bevrees nie, want Ek het jou verlos; Ek het jou by jou naam geroep; jy is myne! 2 As jy deur die water gaan, is Ek by jou; en deur die riviere—hulle sal jou nie oorstroom nie; as jy deur vuur gaan, sal jy jou nie skroei nie, en die vlam sal jou nie brand nie. 3 Want Ek is die HERE, jou God, die Heilige van Israel, jou Heiland; Ek het Egipte gegee as losprys vir jou, Kus en Seba in jou plek. 4 Omdat jy kostelik is in my oë, hooggeag is, en Ek jou liefhet, daarom gee Ek mense in jou plek en volke vir jou lewe.

Matthéüs 1:20 Maar terwyl hy dit in die gedagte gehad het, verskyn daar 'n engel van die Here in 'n droom aan hom en sê: Josef, seun van Dawid, wees nie bevrees om Maria, jou vrou, by jou te neem nie, want wat in haar verwek is, is uit die Heilige Gees; 21 en sy sal 'n seun baar, en jy moet Hom Jesus noem, want dit is Hy wat sy volk van hulle sondes sal verlos.

Jeremia 31:31 Kyk, daar kom dae, spreek die HERE, dat Ek met die huis van Israel en die huis van Juda 'n nuwe verbond sal sluit;

Hebreërs 8:8 Want Hy berispe hulle en sê: Kyk, daar kom dae, spreek die Here, dat Ek met die huis van Israel en die huis van Juda 'n nuwe verbond tot stand sal bring,

Miga 4:1 En aan die einde van die dae sal die berg van die huis van die HERE vasstaan op die top van die berge en verhewe wees bo die heuwels, en die volke sal daarheen toestroom. 2 En baie nasies sal heengaan en sê: Kom, laat ons optrek na die berg van die HERE en na die huis van die God van Jakob, dat Hy ons in sy weë kan leer en ons in sy paaie kan wandel. Want uit Sion sal die wet uitgaan en die woord van die HERE uit Jerusalem. 3 En Hy sal oordeel tussen baie volke en regspraak vir magtige nasies tot in die verte; en hulle sal van hul swaarde pikke smee en van hul spiese snoeimesse; nie meer sal nasie teen nasie die swaard ophef nie, en hulle sal nie meer leer om oorlog te voer nie. 4 Maar hulle sal sit elkeen onder sy wingerdstok en onder sy vyeboom, sonder dat iemand hulle verskrik; want die mond van die HERE van die leërskaars het dit

gespreek. 5 Want al die volke mag wandel elkeen in die naam van sy god, maar óns sal wandel in die Naam van die HERE onse God vir ewig en altoos.

Eségiël 18:30 Daarom sal Ek julle oordeel, o huis van Israel, elkeen volgens sy weë, spreek die Here HERE. Bekeer julle en wend julle af van al julle oortredinge, sodat dit nie ‘n struikelblok tot ongeregtigheid vir julle mag wees nie. 31 Werp al julle oortredinge waardeur julle oortree het, van julle af weg en maak vir julle ‘n nuwe hart en ‘n nuwe gees; want waarom wil julle sterwe, o huis van Israel? 32 Want Ek het geen behae in die dood van hom wat sterwe nie, spreek die Here HERE. Bekeer julle dan en lewe.

Jesaja 59:20 Maar vir Sion kom Hy as Verlosser en vir die wat in Jakob hulle bekeer van oortreding, spreek die HERE.

Jeremia 33:23 Verder het die woord van die HERE tot Jeremia gekom en gesê: 24 Het jy nie gemerk wat hierdie volk spreek nie as hulle sê: Die twee geslagte wat die HERE uitverkies het, dié het Hy verwerp? En hulle verag my volk, sodat dit geen nasie voor hulle meer is nie. 25 So sê die HERE: As Ek my verbond met dag en nag, die insettinge van hemel en aarde, nie vasgestel het nie, 26 dan sal Ek ook die nageslag van Jakob en van my kneg Dawid verwerp, dat Ek nie uit sy nageslag heersers sal neem oor die nageslag van Abraham, Isak en Jakob nie; want Ek sal hulle lot verander en My oor hulle ontferm.

Jeremia 31:35 So sê die HERE wat die son gee tot ‘n lig oordag, die ordeninge van die maan en van die sterre tot ‘n lig in die nag; wat die see in beroering bring, sodat sy golwe bruis, HERE van die leërskaie is sy Naam: 36 As hierdie verordeninge voor my aangesig sal wyk, spreek die HERE, dan sal die nageslag van Israel ook ophou om ‘n volk te wees voor my aangesig vir altyd. 37 So sê die HERE: As die hemele daarbo gemeet en die fundamente van die aarde daaronder nagespeur kan word, dan sal Ek ook die hele nageslag van Israel verwerp weens alles wat hulle gedoen het, spreek die HERE.

OoOoOoOoOoOoOoOoOoOoOoOoOo

002 Die uitverkiesing

GOD kies uit as gevolg van liefde (22-05-2022)

Hierdie onderwerp is nie ‘n maklike onderwerp nie. Dit verskil radikaal met die wêreld se siening en die wêreld is maar waarmee ons grootword. Dit is waar ons leer hoe die koninkryk van GOD werk.

Dan kom die Woord tot ons en dan sien ons ander dinge.

Die wêreld het egter so slim geword, dit leer ons om die Woord te verander en as die Woord sê “soek eers die Koninkryk van GOD”, dan soek ons ‘n kerk.

‘n Koninkryk bestaan uit ‘n koning (nie ‘n predikant nie), ‘n volk en ‘n grondgebied.

In die vorige boodskap het ons begin kyk na die uitverkiesing en ons het gesien die uitverkorenes is die Israelvolk (die nageslag van Abraham, Isak en Jakob) en die Koning (GOD) het die volk uitverkies en Hy kom terug na hierdie aarde toe, om Sy Koninkryk hier te kom vestig.

Psalm 139:21 HERE, sou ek dié nie haat wat vir U haat, en ‘n afsku hê van die wat teen U opstaan nie? **22** Ek haat hulle met ‘n volkome haat; vyande is hulle vir my! **23** Deurgrond my, o God, en ken my hart; toets my en ken my gedagtes; **24** en kyk of daar by my ‘n weg is van smart, en lei my op die ewige weg!

Jesaja 41:8 Maar jy, Israel, my kneg, Jakob, wat Ek uitverkies het, nageslag van Abraham, my vriend, **9** jy, wat Ek gegryp het van die eindes van die aarde en van sy uithoeke geroep het, en Ek het aan jou gesê: Jy is my kneg; jou het Ek uitverkies en jou nie verwerp nie. **10** Wees nie bevrees nie, want Ek is met jou (*Jakob*), kyk nie angstig rond nie, want Ek is jou God. Ek versterk jou, ook help Ek jou (*Jakob*), ook ondersteun Ek jou (*Jakob*) met my reddende regterhand. **11** Kyk, hulle almal sal beskaamd staan en in die skande kom wat op jou toornig is; hulle sal word soos niks, en jou teëparty sal omkom. **12** Jy sal hulle soek, maar hulle nie vind nie—die manne wat met jou twis; hulle sal word soos niks en soos ‘n nietige ding—die manne wat teen jou (*Jakob*) oorlog voer. **13** Want Ek, die HERE jou God, gryp jou regterhand aan, Ek wat vir jou sê: Wees nie bevrees nie, Ek help jou (*Jakob*). **14** Wees nie bevrees nie, wurmpie Jakob, volkie Israel! Ek help jou, spreek die HERE, en jou Losser is die Heilige van Israel.

Exodus 3:14 En God sê vir Moses: **EK IS WAT EK IS.** Ook sê Hy: So moet jy die kinders van Israel antwoord: **EK IS** het my na julle gestuur.

Maleági 3:6 Want Ek, die HERE, het nie verander nie; en julle, kinders van Jakob, is nie verteer nie.

Jakobus 1:16 Moenie dwaal nie, my geliefde broeders. **17** Elke goeie gif en elke volmaakte gawe daal van bo af neer, van die Vader van die ligte, by wie daar geen verandering of skaduwee van omkering is nie.

Jesaja 49:13 Jubel, o hemele, en juig, aarde; en berge breek uit in gejubel! Want die HERE het sy volk getroos en ontferm Hom oor sy ellendiges. **14** Maar Sion sê: Die HERE het my verlaat, en die Here het my vergeet! **15** Kan ‘n vrou haar suigling vergeet, dat sy haar nie ontferm oor die seun van haar skoot nie? Ofskoon hulle sou vergeet, nogtans sal Ek jou nie vergeet nie! **16** Kyk, Ek het jou (**Sion, Israel**) in die handpalms gegraveer; jou mure is gedurig voor My.

Hooglied 8:6 Dra my soos ‘n seëling op u hart, soos ‘n seëling op u arm; want liefde is sterk soos die dood, die liefdes-ywer is hard soos die doderyk, sy gloed is ‘n gloed van vuur, ‘n vlam van die HERE. **7** Groot waters kan die liefde nie uitblus en riviere dit nie oorstroom nie; al gee ‘n man ook al die goed van sy huis vir die liefde, hulle sou hom diep verag.

003 Uitverkiesing

Wat dan van die heidene en die Nuwe Testament?

(29-05-2011)

Soos ons tot dusvêr gesien het, is hierdie nie 'n maklike onderwerp nie.

In die eerste boodskap in hierdie reeks, het ons gesien dat GOD voor die grondlegging van die wêreld reeds uitverkies het en ons nie 'n bydrae daartoe het nie.

Jy is uitverkies, of jy is nie uitverkies nie.

Ons het egter ook gesien dat die uitverkiesing nie uitverkies tot redding nie, maar dat die redding deur genade kom en dat ons dáárin 'n bydrae het, want GOD het ons gekies, ons moet nou op ons beurt Hóm kies.

Die gevolg hiervan is, is dat baie uitverkorenes verlore gaan. Ons leef in 'n wanbegrip dat wanneer ons agterkom dat ons uitverkies is, ons dink ons gaan hemel toe.

Dit is nie die waarheid nie.

GOD het Hom met ons versoen. Nou moet ons, ons met Hom versoen.

Ons het in die tweede boodskap gesien, GOD het uitverkies as gevolg van liefde.

Wanneer ons die woord “uitverkies” in die Skrif lees, word dit elke keer gekoppel aan die nageslag van Jakob.

In hierdie boodskap gaan ons na 'n paar strikvrage kyk waarmee ons maklik gekonfronteer kan word, ten opsigte van die uitverkiesing.

Handelinge 10:44 En toe Petrus nog besig was om hierdie woorde te spreek, het die Heilige Gees op almal geval wat die woord gehoor het. **45** En die gelowiges uit die besnydenis, almal wat saam met Petrus gekom het, was verbaas dat die gawe van die Heilige Gees ook op die heidene uitgestort is.

Handelinge 11:17 As God dan aan hulle dieselfde gawe gegee het soos aan ons wat in die Here Jesus Christus geglo het, wie was ek dan, dat ek God kon verhinder? **18** En toe hulle dit hoor, het hulle geswyg en God verheerlik en gesê: So het God dan ook aan die heidene die bekering tot die lewe geskenk.

Handelinge 13:46 Maar Paulus en Bárnabas het vry-uit gespreek en gesê: Dit was noodsaaklik dat die woord van God aan julle eers verkondig moes word. Aangesien julle dit egter verwerp en julleself die ewige lewe nie waardig ag nie—kyk, ons wend ons tot die heidene.

Handelinge 15:7 En toe daar 'n groot woordewisseling plaasvind, het Petrus opgestaan en vir hulle gesê: Broeders, julle weet dat God lank gelede onder ons verkies het dat die heidene deur my mond die woord van die evangelie sal hoor en gelowig word. 8 En God wat die harte ken, het vir hulle getuienis gegee deur aan hulle die Heilige Gees te skenk net soos aan ons. 9 En Hy het geen onderskeid tussen ons en hulle gemaak nie, aangesien Hy hulle harte gereinig het deur die geloof.

Romeine 3:29 Of behoort God net aan die Jode, en nie ook aan die heidene nie? Ja, ook aan die heidene,

Romeine 9:24 ons naamlik wat Hy geroep het, nie alleen uit die Jode nie, maar ook uit die heidene?

Hebreërs 8:8 Want Hy berispe hulle en sê: Kyk, daar kom dae, spreek die Here, dat Ek met die huis van Israel en die huis van Juda 'n nuwe verbond tot stand sal bring,

Romeine 9:1 Ek spreek die waarheid in Christus, ek lieg nie my gewete getuig saam met my in die Heilige Gees 2 dat dit vir my 'n groot droefheid is en 'n onophoudelike smart vir my hart. 3 Want ek sou self kon wens om ter wille van my broers, my stamgenote (*Benjamin*) na die vlees, 'n vervloeking te wees, wég van Christus af. 4 Hulle is Israeliëte aan wie die aanneming tot kinders behoort en die heerlijkheid en die verbonde en die wetgewing en die erediens en die beloftes; 5 aan wie die vaders (*Abraham, Isak en Jakob*) behoort en uit wie die Christus is na die vlees Hy wat oor alles is, God, lofwaardig tot in ewigheid! Amen. 6 Maar ek sê dit nie asof die woord van God verval het nie; want hulle is nie almal Israel wat uit Israel is nie. 7 Ook nie omdat hulle Abraham se nageslag is, is hulle almal kinders (*uitverkorenes*) nie; maar: in Isak sal jou nageslag genoem word. 8 Dit wil sê, nie hulle is kinders van God wat die kinders van die vlees is nie, maar die kinders *van die belofte* word gereken as die nageslag. 9 Want dit is die woord van die belofte: Omtrent hierdie tyd sal Ek kom, en Sara sal 'n seun hê. 10 En nie alleen dit nie, maar ook Rebekka was *swanger uit een*, naamlik Isak, ons vader. 11 Want toe die kinders nog nie gebore was en nog geen goed of kwaad gedoen het nie dat die voorneme van God volgens die verkiesing kon bly staan, nie uit die werke nie, maar uit Hom wat roep 12 is vir haar gesê: Die oudste sal die jongste dien. 13 Soos geskrywe is: Jakob het Ek liefgehad en Esau het Ek gehaat. 14 Wat sal ons dan sê? Is daar miskien onreg by God? Nee, stellig nie! 15 Want aan Moses sê Hy: Ek sal barmhartig wees oor wie Ek barmhartig wil wees en My ontferm oor wie Ek My wil ontferm. 16 So hang dit dan nie af van die een wat wil of van die een wat loop nie, maar van God wat barmhartig is. 17 Want die Skrif sê aan Farao: Juis hiervoor het Ek jou laat optree, dat Ek in jou my krag kan toon en dat my Naam verkondig kan word op die hele aarde. 18 So is Hy dan barmhartig oor wie Hy wil en Hy verhard wie Hy wil. 19 Jy sal dan vir my sê: Waarom verwyt Hy dan nog, want wie het sy wil weerstaan? 20 Maar tog, o mens, wie is jy wat teen God antwoord? Die maaksel kan tog nie vir die maker sê: Waarom het u my so gemaak nie? 21 Of het die pottebakker nie mag oor die klei, om uit dieselfde klomp die een voorwerp tot eer en die ander tot oneer te maak nie? 22 En as God, al wil Hy sy toorn bewys (*aan Israel*) en sy mag bekend maak (*aan Israel*), tog met groot lankmoedigheid die voorwerpe van toorn wat vir die verderf toeberei is, verdra het, 23 juis om bekend te maak die rykdom van sy heerlijkheid oor die voorwerpe van barmhartigheid (*die Israeliëte*) wat Hy voorberei het tot heerlijkheid, 24 ons (*voorwerpe*

van eer) naamlik wat Hy geroep het, nie alleen uit die Jode nie, maar ook uit die heidene? 25 Soos Hy ook in Hoséa sê: Ek sal die wat nie my volk is nie, my volk noem; en haar wat nie bemin is nie, beminde; 26 en in die plek waar aan hulle gesê is: Julle is nie my volk nie! daar sal hulle genoem word kinders van die lewende God.

Hoséa 1:1 Die woord van die HERE wat gekom het tot Hoséa, die seun van Beëri, in die dae van Ussía, Jotam, Agas, Jehiskía, konings van Juda, en in die dae van Jeróbeam, die seun van Joas, koning van Israel. 2 Die begin van wat die HERE met Hoséa gespreek het; die HERE het aan Hoséa gesê: Gaan heen, neem vir jou 'n hoervrou en hoerkinders; want die land het grootliks owerspel bedrywe deur van die HERE afvallig te word. 3 Toe het hy gegaan en Gomer, die dogter van Diblaim, geneem; en sy het swanger geword en vir hom 'n seun gebaar. 4 En die HERE het vir hom gesê: Noem hom *Jísreël*, want nog 'n klein tydjie, dan sal Ek die bloedskuld van Jísreël aan die huis van Jehu besoek en 'n einde maak aan die koninkryk van die huis van Israel. 5 Ja, in dié dag sal Ek die boog van Israel verbreek in die laagte van Jísreël. 6 Toe het sy weer swanger geword en 'n dogter gebaar; en Hy het vir hom gesê: Noem haar *Lo-Rugáma*, want Ek sal My verder nie meer oor die huis van Israel (*tien stamme*) ontferm deur hulle vergifnis te skenk nie. 7 Maar oor die huis van Juda (*twee stamme*) sal Ek My ontferm en hulle verlos deur die HERE hulle God, en Ek sal hulle nie deur boog of swaard of oorlog, deur perde of ruiters verlos nie. 8 Nadat sy *Lo-Rugáma* gespeen het, het sy weer swanger geword en 'n seun gebaar. 9 En Hy het gesê: Noem hom *Lo-Ammi*, want julle is nie my volk nie, en Ek sal nie julle s'n wees nie. 10 *Nogtans* sal die getal van die kinders van Israel wees soos die sand van die see, wat nie gemeet en nie getel kan word nie; en in plaas dat aan hulle gesê word: Julle is nie my volk nie —sal aan hulle gesê word: Julle is kinders van die lewende God.

Romeine 9:24 ons naamlik wat Hy geroep het, nie alleen uit die Jode nie, maar ook uit die heidene? 25 Soos Hy ook in Hoséa sê: Ek sal die wat nie my volk is nie, my volk noem; en haar wat nie bemin is nie, beminde; 26 en in die plek waar aan hulle gesê is: Julle is nie my volk nie! daar sal hulle genoem word kinders van die lewende God.

Hoséa 1: 9 En Hy het gesê: Noem hom *Lo-Ammi*, want julle is nie my volk nie (*heidene*), en Ek sal nie julle s'n wees nie. 10 *Nogtans* sal die getal van die kinders van Israel wees soos die sand van die see, wat nie gemeet en nie getel kan word nie; en in plaas dat aan hulle gesê word: Julle is nie my volk nie (*10 stamme*) —sal aan hulle gesê word: Julle is kinders van die lewende God. 11 Dan sal die kinders van Juda en die kinders van Israel almal saam vergader en vir hulle een hoof aanstel (*Yahshua*) en uit die land optrek; want groot is die dag van Jísreël! 12 Sê aan julle broers: *Ammi*, en aan julle susters: *Rugáma*.

Romeine 9:24 ons naamlik wat Hy geroep het, nie alleen uit die Jode (*twee stamme*) nie, maar ook uit die heidene (*tien stamme*). 25 Soos Hy ook in Hoséa sê: Ek sal die wat nie my volk is nie (*tien stamme*), my volk noem; en haar wat nie bemin is nie (*tien stamme*), beminde; 26 en in die plek waar aan hulle gesê is: Julle is nie my volk nie! daar sal hulle genoem word kinders (*twaalf stamme*) van die lewende God.

Efésiërs 2:11 Daarom, onthou dat julle wat vroeër heidene (*tien stamme*) in die vlees was en onbesnedenes genoem word deur die sogenaamde besnydenis wat in die vlees met hande verrig word, 12 dat julle in dié tyd sonder Christus was, *vervreemd* van die

burgerskap van Israel en vreemdelinge ten aansien van die verbonde van die belofte, sonder hoop en sonder God in die wêreld. (*Hosea se tyd*)¹³ Maar nou in Christus Jesus het julle wat vroeër ver was (*tien stamme*), naby gekom deur die bloed van Christus. ¹⁴ Want Hy is ons vrede, Hy wat albei een gemaak en die middelmuur van skeiding afgebreek het ¹⁵ deurdat Hy in sy vlees die vyandskap tot niet gemaak het, naamlik die wet van gebooie wat in insettinge bestaan; sodat Hy, deur vrede te maak, die twee (*twee stamme en tien stamme*) in Homself tot een nuwe mens kon skeep ¹⁶ en albei in een liggaam met God kon versoen deur die kruis, nadat Hy daaraan die vyandskap doodgemaak het.

OoOoOoOoOoOoOoOoOoOoOoOo

004 Die Uitverkiesing

(Die heidene van die Nuwe Testament, is die verstrooide tien stamme van Israel) 12-06-2022

Ons het in die vorige boodskap gekyk na die sleutel van die Heidene en ons het gesien dat daar 'n volk uitverkies is, maar as ons na die Nuwe Testament toe gaan, dan sien ons, ons raak deurmekaar want ons lees van die volk van GOD en van die Heidene van wie gesê word: "Julle wat nie My volk is nie, sal genoem word kinders van die lewende GOD."

Dit is egter nie moeilik om te verstaan nie. Dit is net ons wat met die verkeerde gedagtes grootgeword het, dan dink ons GOD is ontrou aan Sy eie Woord, want Hy het dinge beloof met 'n eed en dan later afwyk daarvan.

As ons GOD ken vir wie Hy is en ons dink Hy maak beloftes wat Hy dan weer verbreek, dan moet die vraag wees: Is dit die GOD wat ons wil aanbid?

GOD trek alles wat Hy sê en doen, terug na Sy Naam toe. Hy sê Hy kan by niemand hoër sweer as by Homself nie, daarom sweer Hy by Sy Heilige Naam, daarom moet ons weet wat Sy Naam is. Hy het aan Moses Sy Naam bekend gemaak: EK IS WAT EK IS.

- Sonder die verklaring van Hoséa, sal die Heidene van die Nuwe Testament altyd vir ons 'n geheimenis wees.
- Sonder die verklaring van Hoséa, sal ons altyd wonder waarom GOD 'n volk uitverkies het, 'n verbond met hulle gemaak het en hulle dan verruil het vir die hele wêreld.
- Sonder die verklaring van Hoséa, sal ons altyd wonder waarom GOD praat van mense wat Hy haat, maar dan tog die hele wêreld liefhet.
- Met hierdie sleutel, sal ons elke vers in die Bybel verstaan rondom die uitverkiesing van Israel en geen vers hoef geïntrepeteer te word nie.

Kom ons kyk na van hierdie verse...

Handelinge 10:44 En toe Petrus nog besig was om hierdie woorde te spreek, het die Heilige Gees op almal geval wat die woord gehoor het. 45 En die gelowiges uit die besnydenis (*twee stamme*), almal wat saam met Petrus gekom het, was verbaas dat die gawe van die Heilige Gees ook op die heidene (*tien stamme*) uitgestort is.

Handelinge 11:17 As God dan aan hulle dieselfde gawe gegee het soos aan ons wat in die Here Jesus Christus geglo het, wie was ek dan, dat ek God kon verhinder? 18 En toe hulle dit hoor, het hulle geswyg en God verheerlik en gesê: So het God dan ook aan die heidene (*tien stamme*) die bekering tot die lewe geskenk.

Handelinge 13:46 Maar Paulus en Bárnabas het vry-uit gespreek en gesê: Dit was noodsaaklik dat die woord van God aan julle (*twee stamme*) eers verkondig moes word. Aangesien julle dit egter verwerp en julleself die ewige lewe nie waardig ag nie—kyk, ons wend ons tot die heidene (*tien stamme*). 47 Want so het die Here aan ons bevel gegee: Ek het U 'n lig van die nasies gemaak, sodat U tot redding sal wees tot aan die einde van die aarde.

Handelinge 15:7 En toe daar 'n groot woordewisseling plaasvind, het Petrus opgestaan en vir hulle gesê: Broeders, julle weet dat God lank gelede onder ons verkies het dat die heidene (*tien stamme*) deur my mond die woord van die evangelie sal hoor en gelowig word. 8 En God wat die harte ken, het vir hulle getuienis gegee deur aan hulle die Heilige Gees te skenk net soos aan ons. 9 En Hy het geen onderskeid tussen ons (*twee stamme*) en hulle (*tien stamme*) gemaak nie, aangesien Hy hulle harte gereinig het deur die geloof.

Romeine 3:29 Of behoort God net aan die Jode (*twee stamme*), en nie ook aan die heidene (*tien stamme*) nie? Ja, ook aan die heidene (*tien stamme*),

Romeine 9:22 En as God, al wil Hy sy toorn bewys en sy mag bekend maak, tog met groot lankmoedigheid die voorwerpe van toorn wat vir die verderf toeberei is, verdra het, 23 juis om bekend te maak die rykdom van sy heerlikheid oor die voorwerpe van barmhartigheid (*uitverkore twaalf stamme*) wat Hy voorberei het tot heerlikheid, 24 ons naamlik wat Hy geroep het, nie alleen uit die Jode (*twee stamme*) nie, maar ook uit die heidene (*tien stamme*): 25 Soos Hy ook in Hoséa sê: Ek sal die wat nie my volk is nie (*tien stamme*), my volk noem; en haar wat nie bemin is nie, beminde; 26 en in die plek waar aan hulle gesê is: Julle is nie my volk nie! daar sal hulle genoem word kinders van die lewende God.

Romeine 11:25 Want ek wil nie hê, broeders, dat julle hierdie verborgenheid nie moet weet nie, sodat julle nie eiewys mag wees nie: dat die verharding ten dele oor Israel (*twee stamme*) gekom het totdat die volheid van die heidene (*tien stamme*) ingegaan het; 26 en so sal die hele Israel (*twaalf stamme*) gered word, soos geskrywe is: Die Verlosser sal uit Sion kom en sal die goddelooshede van Jakob (*Israel, twaalf stamme, die verbondsvolk*) afwend; 27 en dit is van my kant die verbond met hulle as Ek hulle sondes wegneem.

Matthéüs 1:20 Maar terwyl hy dit in die gedagte gehad het, verskyn daar 'n engel van die Here in 'n droom aan hom en sê: Josef, seun van Dawid, wees nie bevrees om Maria, jou vrou, by jou te neem nie, want wat in haar verwek is, is uit die Heilige Gees; 21 en sy sal 'n

seun baar, en jy moet Hom Jesus noem, want dit is Hy wat sy volk van hulle sondes sal verlos.

Matthéüs 2:5 En hulle het vir hom gesê: Te Betlehem in Judéa, want so is daar deur die profeet geskrywe: 6 En jy, Betlehem, land van Juda, is volstrek nie die geringste onder die vorste van Juda nie, want uit jou sal 'n leidsman voortkom wat vir my volk Israel 'n herder sal wees.

Johannes 11:50 en dink nie daaraan dat dit vir ons voordelig is dat een man vir die volk sterwe en nie die hele nasie omkom nie. 51 En dit het hy nie uit homself gesê nie; maar omdat hy daardie jaar hoëpriester was, het hy geprofeteer dat Jesus vir die volk sou sterwe. 52 En nie alleen vir die volk (*twee stamme*) nie, maar ook om die verstrooide kinders (*tien stamme*) van God tot 'n eenheid saam te voeg.

Deuteronómium 28:63 En soos die HERE oor julle bly was om aan julle goed te doen en julle te vermenigvuldig, so sal die HERE oor julle bly wees om julle tot niet te maak en julle te verdelg; en julle sal uitgeruk word uit die land waarheen jy gaan om dit in besit te neem. 64 En die HERE sal jou verstrooi onder al die volke, van die een einde van die aarde tot by die ander einde van die aarde; en daar sal jy ander gode, hout en klip, dien, wat jy en jou vaders nie geken het nie.

Handelinge 13:46 Maar Paulus en Bárnabas het vry-uit gespreek en gesê: Dit was noodsaaklik dat die woord van God aan julle eers verkondig moes word. Aangesien julle dit egter verwerp en julleself die ewige lewe nie waardig ag nie—kyk, ons wend ons tot die heidene. 47 Want so het die Here aan ons bevel gegee: Ek het U 'n lig van die nasies gemaak, sodat U tot redding sal wees tot aan die einde van die aarde. 48 En toe die heidene (*tien stamme*) dit hoor, was hulle bly; en hulle het die woord van die Here geprys; en daar het gelowig geword almal wat verordineer (*aangestel / aangewys*) was tot die ewige lewe.

Handelinge 13:48 En toe die heidene (*tien stamme*) dit hoor, was hulle bly; en hulle het die woord van die Here geprys; en daar het gelowig geword almal wat verordineer (*voor die grondlegging van die aarde af uitverkies*) was tot die ewige lewe.

Handelinge 15:13 En nadat hulle geswyg het, antwoord Jakobus en sê: Broeders, luister na my! 14 Símeon het vertel hoe God in die begin uitgesien het om 'n volk uit die heidene (*tien stamme*) vir sy Naam aan te neem. 15 En hiermee stem die woorde van die profete ooreen, soos geskrywe is: 16 Daarna sal Ek (*Yahweh / Yahshua*) terugkom en die vervalte hut van Dawid weer oprig, en wat daarvan verwoes is, sal Ek weer oprig en dit herstel, 17 sodat die oorblyfsel van die mense die Here kan soek, en al die nasies **oor wie my Naam uitgeroep** is, spreek die Here wat al hierdie dinge doen.

2 Kronieke 7:14 en my volk, oor wie my Naam uitgeroep is, hulle verootmoedig en bid en my aangesig soek en hulle bekeer van hul verkeerde weë, dan sal Ék uit die hemel hoor en hulle sonde vergewe en hulle land genees.

005 Die Uitverkiesing

(Hoekom is die waarheid dan so belangrik?) 19-06-2022

Wat in die vorige vier boodskappe oor hierdie onderwerp behandel is, gaan nie in hierdie boodskap herhaal word nie, daarom is dit raadsaam om dit ook te luister.

Kom ons kyk na waarom dit belangrik is om die waarheid rakende die uitverkiesing van GOD, vir sekere mense, te weet en te glo.

- Jou eie geloof bepaal jou eie optrede.
- Jy handel volgens wat in jou binnekant is.
- As jy die waarheid rakende die uitverkiesing glo, of nie glo nie, gaan dit 'n effek op jou lewe hê.
- Dit waarvan iemand oortuig is, beïnvloed die besluite van sy lewe.

Génesis 1:21 En God het die groot seediere geskape en al die lewende wesens wat beweeg, waar die waters van wemel, volgens hulle soorte; en al die gevleuelde voëls volgens hulle soorte. Toe sien God dat dit goed was. 22 En God het hulle geseën en gesê: Wees vrugbaar en vermeerder en vul die waters in die see, en laat die voëls op die aarde vermeerder.

Openbaring 2:23 En haar kinders sal Ek sekerlik doodmaak, en al die gemeentes sal weet dat dit Ek is wat niere en harte deursoek, en Ek sal aan elkeen van julle gee volgens sy werke.

Openbaring 20:12 En ek het die dode, klein en groot, voor God sien staan, en die boeke is geopen; en 'n ander boek, die boek van die lewe, is geopen. En die dode is geoordeel na wat in die boeke geskryf is, volgens hulle werke. 13 En die see het die dode gegee wat daarin was, en die dood en die doderyk het die dode gegee wat daarin was; en hulle is geoordeel, elkeen volgens sy werke.

Romeine 1:32 mense wat al ken hulle die verordening van God goed, dat die wat sulke dinge doen, die dood verdien dié dinge nie alleen self doen nie, maar ook hulle goedkeuring skenk aan die wat dit doen.

Jesaja 51:1 Luister na My, julle wat die geregtigheid najaag, wat die HERE soek! Aanskou die rots waaruit julle gekap is en die holte van die put waaruit julle gegrawe is. 2 Aanskou Abraham, julle vader, en Sara, wat julle gebaar het; want as eenling het Ek hom geroep en hom geseën en hom vermenigvuldig. 3 Want die HERE vertrou Sion; Hy vertrou al sy puinhope en maak sy woestyn soos Eden en sy wildernis soos die tuin van die HERE; vreugde en blydschap sal daarin gevind word, danksegging en die klank van liedere. 4 Luister na My, my volk, en neig die oor tot My, my nasie! Want 'n wet sal van My uitgaan, en Ek sal my reg vasstel as 'n lig van die volke. 5 My oorwinning is naby, my heil trek uit en my arms sal die volke oordeel; op My sal die eilande wag, en op my arm sal hulle

hoop. 6 Slaan julle oë op na die hemel en aanskou die aarde daaronder; want die hemel sal soos rook verdwyn en die aarde soos 'n kleed verslyt en sy bewoners soos muskiete sterwe; maar my heil sal vir ewig bestaan en my geregtigheid nie verbreek word nie. 7 Luister na My, julle wat die geregtigheid ken, volk in wie se hart my wet is! Wees nie bevrees vir die smaad van mense en skrik nie vir hulle skimptaal nie; 8 want die mot sal hulle opeet soos 'n kleed, en die wurm sal hulle verteer soos wol; maar my geregtigheid sal vir ewig bestaan en my heil van geslag tot geslag. 9 Ontwaak, ontwaak, beklee u met sterkte, arm van die HERE! Ontwaak soos in die dae van die voortyd, onder die geslagte van lank gelede. Is dit nie u wat Rahab neergekap, wat die seemonster deurboor het nie? 10 Is dit nie u wat die see, die waters van die groot wêreldvloed drooggemaak het nie, wat van die dieptes van die see 'n pad gemaak het vir die deurtog van die verlostes nie? 11 So sal dan die losgekooptes van die HERE teruggaan en na Sion kom met gejubel, en ewige vreugde sal op hulle hoof wees; vreugde en blydschap sal hulle verkry; kommer en gesug vlug weg. 12 Ek is dit wat julle troos! Wie is jy, dat jy bevrees is vir die mens wat moet sterwe, en vir die mensekind wat oorgegee word soos gras? — 13 dat jy vergeet die HERE wat jou gemaak het, wat die hemel uitgesprei en die aarde gegrond het; dat jy gedurigdeur die hele dag bewe vir die grimmigheid van die verdrukker as hy dit daarop toelê om te verwoes? Waar is dan die grimmigheid van die verdrukker? 14 Die in boeie gekromde word gou losgelaat en sal nie sterwend in die kuil neerdaal nie, en sy brood sal nie ontbreek nie. 15 Maar Ek is die HERE jou God wat die see in beroering bring, sodat sy golwe bruis; HERE van die leërskaie is sy Naam! 16 En Ek het my woorde in jou mond gelê en in die skaduwee van my hand jou verberg; om die hemel te plant en die aarde te grond en aan Sion te sê: My volk is jy!

DAAR STAAN ÓÓK GESKRYWE